

DR TOD ISCH ZRUGG

Dr Tod isch zrugg, wär hätt das dänggt,

es hett em aifach noonig glänggt.

S'Stärke in däre Stadt goot wyter, s'niimt kai Änd,

s'kunnt dr vor wie uffeme Friidhofgländ.

Öb Kost Sport, Botty oder Spira,

sy siin erlääge, dämm vrsüüchte Klima.

D' Regierig sott dr Finger emool uuse nää,

und däre Stadt e neus, bessers Lääbe gää.

D' Mozzgugge wo ständig s'Lääbe disqualifiziere

Die sölles doch emool mit Goodwill probiere

Dr tod in dääre Stadt isch allgeegewärtig

Ob Samschtig, Sunntig oder au am Wärtig.

Dr Luzifer het yss gschiggt dä Deyfelskärli,

iim kunts vor wie iimmene schöne Märli.

S'nägscht Joor hoffe mr, syge d'Ängeli draa,

so richtig schöni, aber ooni Wonderbraa.